



Dũni wã ka yikdi halı tı wĩntoogã wa tug n puk a sãn lutẽ wã, rënd a sã n wa tug n puk a sãn lut zĩig ningã, tı nebã yã-a, b fãa gill na n koo sıda

Yii a Abu Hurayra nengẽ, -Wënd yarbe be a yĩnga-, tı Wënd Tën-tuumã, -Wënd puusg la A tulgr be a yĩnga-, yeelame: «Dũni wã ka yikdi halı tı wĩntoogã wa tug n puk a sãn lutẽ wã, rënd a sã n wa tug n puk a sãn lut zĩig ningã, tı nebã yã-a, b fãa gill na n koo sıda, la rënd la Wënd sãn yeele : {yoor sɪd-kũun pa le nafd-a, t'a sã n da pa koo sɪd maa a tuma a sɪd-kũunã pugẽ sãn somb ye.} [Al-An-Aam: 158], la dũni wã na n yikame, n mik tı raoap a yiibu, n tãeg fuugu, n rat n na koose, b ka na n paam n koos-a ye, b ka na n paam n pöd-a tı dũni ka yik ye, la dũni na n yika ned zugu, tı mik t'a ra keng n tı pẽe a yugumde, bĩisim la a ka na n paam yũ-a ye, dũni na n leb n yikame n mik tı ned manegd a garga la a ka na n yũ a pugẽ ye, la dũni na n yikame n mik tı yãmb nina yaa sãn zẽk a sag-võre n rabd a noorẽ wã la a ka na n rı-a ye».

[Naşun Şahuhun (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

Wënd Tën-tuuma, -Wënd puusg la A tulgr be a yĩnga-, kõta kibar dũni wã yikr tagmas bedã, sãn be a pugẽ, yaa tı wĩntoogã na n wa puka zĩig ning a sãn lutẽ wã, n bas a sãn pukdẽ wã, la nebã sãn wat n yã rẽ wã, b fãa na n koo sıda, la wakat-kãngã, kɪfr liimaong ka na n leb n naf-a, tuum sõng me ka na n leb n nafe, tuubg me ka na n leb n nafe. Rẽ poorẽ tı -Wënd puusg la A tulgr be a yĩnga-, koo kibar tı dũni yikr na n yu lingri, bala a na n yikame tı nebã be b halhaal-rãmbẽ wã la b vumã yelẽ; Rënd dũni na n yikame tı koaasa la raada, b tãeg b laogã, la b ka na n tõog n koose, b ka na n tõog n pöd b laogã me ye, Dũni na n yikame tı raoa yaa sãn pẽe a yugumd (bĩisim) la a ka na n tõog n yũ-a ye, Dũni na n yikame, n mik tı ned manegd a koom yũub zĩiga, n saasdẽ, la a ka n tõog n yõng koom be n yũ ye, Dũni na n leb n yikame, n mik tı ned yaa sãn zẽk sag-võr a noorẽ, n na n vele, la a ka na n rı-a ye.

<https://sunnah.global/hadeeth/mos/show/65026>

